

L'VNIVERSITE

EN CHEMISE.

L'HOMME DE LETTRES.
L'ESCOLIER.
DIALOGUE.

UNIVERSITY

OF CHEMISTRY

OF THE UNIVERSITY

OF CHEMISTRY

OF CHEMISTRY

L'VNIVERSITE' EN

chemise.

L'homme de lettres

l'Escolier.

Dialogue.

L'ESCOLIER.

DIEU vous donne le bon
iour, Monsieur.

L'HOM. Et à vous mon grãd amy.

L'Esc. Je suis trop redevable à mon
bon Genie de m'auoir conduit en
ce sainct lieu, pour faire vn si heu-
reux rencontre.

L'HOM. C'est moy qui en ay l'o-
bligation toute entiere, tresue aux
ceremonies & me dispensez pour
vn peu que i'aye rendu le tribut à
celuy qui m'a donné l'estre & la

vie, apres i'auray le bien de vous entretenir : & bien que vous dit le cœur ? estes vous pas resolu de cōtinuer vos estudes en ce noble sejour où les muses habitent ordinairement.

L'ESC. Ie le croyois ainsi : Et ne preche ton autre chose en nos quartiers de Picardie sinon que l'Vniuersité de Paris est remise en son throsne & a repris sō premier lustre que l'enuie & le malheur des guerres ciuilles luy auoient terny.

L'HOM. C'est ce qui m'a fait aussi acheminer en ceste ville esperant d'estre employé en quelque bonne chaise pour paroistre en public dont ma capacité *Deo fauente* fera voir les effects en mesme temps que i'auray l'honneur d'y estre appellé, puisque la disgrâce

(causée par les dernières emottiōs
& reuoltes en nostre pays de Bre-
tagne ou i'ay perdu, partie par
embrasement & partie par pillage,
ce peu que la fortune m'auoit
ellargy, qui me seruoit à rouler la
vie que ce grand Dieu m'a laissé
en depost) me reduit à ceste ex-
tremité & me faict refugier en ce
lieu attendant le restablissement
de l'Vniuersité.

l'Esc. Vous me voyez icy pour
vn mesme subiect, non pas pour
enseigner mais pour apprendre &
sommen frappez en nos quartiers
de mesme maladie : Car vous de-
uez scauoir qu'il y a passé depuis
vn an en ça, vne certaine vermi-
ne, & en si grande quantité qui a
brouté verd & sec, & nous a ron-
gez & succez iusques à la moële,
si elle n'a fait pis ce n'a esté man-

que de mauuaise volonté, pleust
à Dieu que ie fusse seul à me plain-
dre, & que ie n'eusse point tant de
compagnons pour veriffier mon
dire: mais la douleur poind trop
pour pouuoire estre celée, & le mal
trop violent & sensible pour pou-
uoire estre tenu.

L'HOM. Ie ne finirois iamais si ie
voulois discourir des nostres, &
quād ie le pourrois entreprendre,
l'horreur & la cruauté qu'il y con-
uiendrait joindre, me ferment la
bouche, me percent le cœur & pri-
uēt toutes les partyes de mō corps
de leur fonctions. Las? ces dolo-
ances ne seruent qu'a redoubler
nostre mal, reprenons nostre pre-
mier dessein, & donnons quelque
relasche à nos peines.

L'ESC. I'ē suis d'aduis puisque nous
n'en sommes pas plus alégez, au

contraire: Mais que vous semble de la resolution de ces Estats, le cayer de l'Vniuersité sera-t-il enregistré, ou non?

L'HOM. Ce sont lettres closes pour moy & cela m'est tellement indifferant, que ie ne m'en soucie, pourueu que l'vniuersité en resente du profit: de quelque biais que ce soit, n'importe.

L'ESC. Cela est bon, Mais vous ne sçauetz donc pas le contenu des articles produits en ce cayer adressez & presentez à sa Majesté.

L'HOM. Je vous ay desja payé de raison, & vous dis dauantage, que de mon temps chaque College de Paris contenoit en son particulier beaucoup plus d'escoliers qu'ils n'en ont maintenant tous ensemble, sans y comprendre celuy des Iesuites, ou ils affluoiēt de tou-

res parts: de vous en dire la cause, il n'est pas possible, & est sans doute vn secret de Dieu qu'il manifestera quand il luy plaira.

L'Esc. Ouy, mais d'ou vient donc que ces Iesuites sont en si mauuaise odeur en France, mesme parmy ceux qui se disent Catholiques.

L'hom. c'est vne inuention des heretiques, suscitée par Satan, qui n'ont point trouué plus fort rempart contre leur fourbe & faulce doctrine que ces gens cy, & pour cet effect ont talché de les rendre odieux à tout le monde, iusques à les accuser coupables de la mort de nostre vray pere, le grand Héry que Dieu absolve, de cela ie m'en rapporte à la Damoiselle & au parlement de Paris, qui a peu cognoistre la verité de ceste affaire sans m'en embrouiller l'esprit d'auanta

uantage: remarquez seulement en passant, que les François de Charanton, vrays finges de l'Eglise, comme s'ils vouloiēt tirer les marrons avec la patte du Chat, se seruent du perfide stratageme dont vsa ce Philosophe, qui fit courir souz le nom d'un sien ennemy, vn liure de medisance contre vn grand, lequel se vengea en mesme temps sur celuy qui n'y auoit jamais pensé: & que si on recherche l'origine de ce qui n'est tenu que pour question problematique entre les Docteurs, on trouuera que le Concile de Constance ne condamna Vuiclef, pour lors Chismatic & Heretique d'auantage, que pour auoir soutenu ceste question estre indubitable & permise effectuer. Contentez vous de ce que ie vous dis &

croyez que quãd le loup veut entrer en la Bergerie il s'efforce d'abattre & estrangler premierement les chiens, afin d'esgorger les brebis plus à son aysc.

L'Esc. Hé quelle difficulté fait on donc tant de les admettre dans la ville, veu qu'ils s'õt aux faubourgs d'icelle, comme à Pontoise & autres lieux voisins.

L'H. Vostre question est grande, il faudroit le demander à ceux qui tiennẽt la queüe de la poisse: pour moy si i'y estois appellé, ie remõstrerois qu'il vaudroit autant les faire entrer que de les laisser à la porte, aussi bien voyent ils ce qui entre & qui sort comme ceux qui sont dedans: ou bien ie les chasserois tout à fait du logis, pour oster toute dispute.

L'Esc. Et pendant toutes ces con-

testations, il n'y a que la pauvre Vniuersité d'intéressée, & qui en paye les pots cassés : l'ay droit de m'en plaindre, comme y ayant de l'intérêt. Car si les Iesuites estoient remis comme auparavant, les pargnerois ce qu'il faut payer tous les mois à un regent, qui empêche à beaucoup de pauvres garçons aussi bien que moy (dont il sort de grands personnages bien souvent) d'estudier, pour n'auoir le moyen de payer ceste taxe : & puis leur remise feroit double profit, car à leur introduction ils feroient sans doute, choisir des plus beaux esprits de leur société pour se monstrent ce qu'ils sont; & les autres à l'envy s'efforceroient de bien faire pour les contrecarrer.

L'hom. Quoy qu'en dient Messieurs les regens voila qui est fort

à propos, & trouue ce moyen la fort bon, pour mon particulier l'herbe sera bien courte si ie ne pais & m'estonne infiniment coment ceste contestation a tant duré: car il me semble que quand le Recteur & les Iesuites feroient leur deuoir, il n'y auroit pour cela deux Vniuersitez veu qu'ils enseignent Despautere aussi bien que nous. L'Esc. Mais encore, quelle esperance en deuons nous auoir si cela deuoit estre, il n'y a eu que trop de tēps pour deliberer de ceste affaire & de cinquāte encore de plus importantes où pour le moins autāt difficiles: chose qui treinet tant ne reussit iamais à souhait, Dieu me face menteur, ie voy bien que ie seray contrainct à la fin comme beaucoup d'autres, de me faire Prestre, & auoir recours à ce der-

nier refuge, i'en ſçay aſſez pour ce meſtier puis que ie ne puis atteindre plus haut, & que mes pretenſions ſont deſtruites par la longueur de ces Eſtats.

L'HOM. Ne deſeſperez encore rien, car ie vous aſſeure que c'eſt toute l'ambition de Meſſieurs du Clergé notamment de Monſieur le Cardinal du Perron qui n'a autre deſir, & contribué la meilleure partie de ſon loisir & de ſa faueur enuers le Roy pour l'enterinement de ceſte requeſte, ie croy qu'il la fera reuſſir puis qu'il l'entreprend.

L'Esc. Voila qui eſt fort bon, mais ſ'il n'eſt ſe Condé de quelque grand, encore que l'affaire ſoit des plus importantes à l'eſtat (ſi elle eſt bien digérée) elle ne laiſſera d'eſtre renuoyée aux Calendes Greques pour y faire droit ainſi

que de raison , & cependant permis aux parties de se pourueoir comme elles aduiseront bon estre.

L'HOM. Si vous entriez tousiours en deffiance des choses qui ont apparence de bon succez , il ne m'est pas possible de vous en garantir , patientez vn peu aussi bien que moy & i'espere, Dieu aydant, que vous en verrez bonne issue.

L'Esc. Cela seroit passable si apres auoir bien attendu on se pouuoit promettre quelque assurance , mais, ie crains de n'estre recompensé, que d'vn regret de vous auoir trop creu.

L'hOM. I'ay autant d'interest à la cause que vous , & tiendrois aussi cher mon temps cōme vous s'aeriez faire le vostre, si ie ne voyois que nostre Roy qui a esté nourry dans les lettres , promet naturellement quelque chose de bon

à sa fille aisnée, & comme bon pere de famille, bien qu'elle soit en pauvre equipage, l'a receura à bras ouuerts & luy redonnera son antienne place.

L'Esc. Voila qui est bien pourueu qu'il arriue? encore vn petit mot, à condition que ie n'abuse point de vostre patience, puisque l'affaire est en si beau chemin, ainsi que vous dites, & qu'il ne reste plus que d'en faire supplier le Roy (qui est à mon aduis le neud de la besogne) vous auez la faueur de Monseigneur le Prince, proposez luy ceste question & luy representez la miserable condition ou se retrouue maintenant l'Vniuersité, l'importâce du faict, la gloire qu'il s'acquerrera s'employant à vne œuvre de si grand poix, & l'obligatiō indicible que luy en aura à jamais la Frâce de luy auoir

remis l'ame au corps & rebandé la corde de son harmonie qui l'a fait marcher iustement deuant toute autre quelle qu'elle soit: & ie m'assure (luy qui n'a autre but que la conseruation de l'estat, ainsi qu'il fait paroistre assez chaque-iour) qu'il ne manquera d'y apporter son possible, & induira le Roy à reuestir ceste pauvre Vniuersité dont tous ses subjects ressentent viuement l'incomodité.

L'hom. Ie l'eusse fait plus librement du temps que la fortune me rioit, mais puisque l'affaire me regarde aussi bien que tout le reste des François, ie ne laisseray de m'y porter avec toute l'humilité & affection qui me sera possible & croy que sa grandeur, pour le seruice que ie luy ay voüé de tout temps, ne dedaignera ma iuste priere.